

**სსიპ „იუსტიციის სახლის“ აღმასრულებელი დირექტორის 2020 წლის 09 იანვრის №9/ს ბრძანებით შექმნილი
სატენდერო კომისიის სხდომის
ოქმი №1**

სხვადასხვა დასახელების საწმენდი საშუალებების სახელმწიფო შესყიდვის ელექტრონული ტენდერი

ქ. თბილისი

28 დეკემბერი 2021 წელი

სხდომას ესწრებოდნენ:

სატენდერო კომისიის თავმჯდომარე:

ავთანდილ კობხრიძე - სსიპ „იუსტიციის სახლის“ აღმასრულებელი დირექტორის მოადგილე (ფინანსების დირექტორი).

კომისიის წევრები:

შალვა ჯულაყიძე - სსიპ „იუსტიციის სახლის“ შესყიდვების სამსახურის უფროსი.

ქრისტინე გოლეთიანი - სსიპ „იუსტიციის სახლის“ საზოგადოებრივი ცენტრების კოორდინაციის სამსახურის უფროსის მ.შ.

ნუგზარ ნადარეიშვილი - სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის უფროსის მ.შ.

გვანცა ბალახაშვილი - სსიპ „იუსტიციის სახლის“ საფინანსო-საბიუჯეტო სამსახურის უფროსი.

სატენდერო კომისიის აპარატის წევრი:

გვანცა შაშვიშვილი - სსიპ „იუსტიციის სახლის“ შესყიდვების სამსახურის მრჩეველი.

დღის წესრიგი:

სსიპ „იუსტიციის სახლის“ 2022 წლის საკუთარი შემოსავლების ფარგლებში სხვადასხვა დასახელების საწმენდი საშუალებების სახელმწიფო შესყიდვის (CPV39830000 - **საწმენდი საშუალებები**) მიზნით გამოსაცხადებელი ელექტრონული ტენდერის აუქციონის გარეშე (NAT) სატენდერო დოკუმენტაციის და სატენდერო განცხადების პროექტის განხილვა-დამტკიცება და კომისიაში დამხმარე სპეციალისტ(ებ)ის მოწვევის საკითხის განხილვა.

განიხილეს:

- სატენდერო კომისიის აპარატის წევრმა გვანცა შაშვიშვილმა სატენდერო კომისიის წევრებს გააცნო ჩატარებული ბაზრის კვლევის შედეგები. ბაზრის კვლევის ფარგლებში ელექტრონული ფოსტის საშუალებით შეტყობინებები დაეგზავნა 8 პოტენციურ მიმწოდებელს, რომელთაგან 2 პოტენციური მიმწოდებლისგან მიღებულია არასრული შეთავაზება, ხოლო 3 პოტენციური მიმწოდებლისგან შემოთავაზებები/ინვოისები შემდეგი ღირებულებებით: პოტენციური მიმწოდებელი I – 44 930 ლარი, პოტენციური მიმწოდებელი II – 43 165 ლარი და პოტენციური მიმწოდებელი III – 53 332,50 ლარი. ბაზრის კვლევის შედეგების გათვალისწინებით სატენდერო კომისიამ მიზანშეწონილად მიიჩნია შესყიდვის სავარაუდო ღირებულებად განისაზღვროს, პოტენციური მიმწოდებლების მიერ შეთავაზებული ფასიდან ყველაზე დაბალი - 43 165 ლარი დღგ-ს ჩათვლით;
- სატენდერო კომისიის წევრებმა განიხილეს ტექნიკური დავალების შესაბამისად სისტემაში ელექტრონულად შევსებული სატენდერო დოკუმენტაციის პროექტი და სატენდერო განცხადება;
- სატენდერო კომისიის წევრების მოსაზრებით მიზანშეწონილია ზემოაღნიშნულ ტენდერში ყველაზე დაბალი ფასის მქონე პრეტენდენტის შემოთავაზება, ტენდერისთვის სტატუსის - „წინადადების მიღება დასრულებულია“ მინიჭებიდან არაუგვიანეს 3 სამუშაო დღისა, განიხილოს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის სპეციალისტ(ებ)მა და წარმოადგინოს შესაბამისი წერილობითი დასკვნა სატენდერო კომისიაზე განსახილველად.

დაადგინეს:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის მე-15 მუხლის მე-2 პუნქტის შესაბამისად დამტკიცდეს ელექტრონული ტენდერის გამოცხადების შესახებ სატენდერო განცხადება და სატენდერო დოკუმენტაცია თანდართული სახით;
2. შესყიდვის სავარაუდო ღირებულებად განისაზღვროს - 43 165 ლარი დღგ-ს ჩათვლით;
3. სახელმწიფო შესყიდვების შესახებ საქართველოს კანონის მე-11 მუხლის მე-5 პუნქტის შესაბამისად, სატენდერო კომისიაში ექსპერტ(ებ)ად სათათბირო ხმის უფლებით მოწვეულ იქნეს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის შესაბამისმა სპეციალისტ(ებ)ი.
4. დაევალოს სატენდერო კომისიის აპარატს, არაუგვიანეს 5 (ხუთი) სამუშაო დღის ვადაში უზრუნველყოს სატენდერო განცხადების და სატენდერო დოკუმენტაციის გამოქვეყნება სახელმწიფო შესყიდვების ერთიან ელექტრონულ სისტემაში.

წინამდებარე ოქმი ხელმოწერილია დამსწრე კომისიის წევრებისა და აპარატის წევრების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-4 პუნქტის შესაბამისად, კვალიფიციური ელექტრონული ხელმოწერით.